



PEKELILING PERBENDAHARAAN NEGERI BIL. 4/2011

Semua Ketua Jabatan Negeri

Semua Pihak Berkuasa Berkanun Negeri

Semua Pihak Berkuasa Tempatan Negeri

ARAHAN KEPENGGUNAAN

MINYAK GRED RON 95 BAGI SEMUA KENDERAAN KERAJAAN

1. TUJUAN

- 1.1. Pekeliling ini adalah bertujuan untuk mengadakan garis panduan berhubung dengan penggunaan jenis petrol untuk kenderaan Kerajaan.

2. LATARBELAKANG

- 2.1. Setelah semakan dibuat oleh Perbendaharaan Negeri, didapati kos perbelanjaan bahan mentah (petrol) ke atas penggunaan kenderaan Kerajaan telah meningkat pada setiap tahun dan hasil daripada semakan juga mendapati antara faktor peningkatan perbelanjaan tersebut adalah disebabkan oleh kepenggunaan petrol RON 97 yang kerap kali ke atas kebanyakan kenderaan Kerajaan berbanding petrol RON 95.

- 2.2. Penggunaan yang kerap kali berkenaan adalah kerana beranggapan penggunaan petrol RON 97 mampu meningkatkan prestasi enjin kenderaan berbanding petrol RON 95.
- 2.3. Sehubungan dengan itu, pengesahan telah dibuat daripada syarikat pengeluaran kenderaan seperti Toyota, Proton, Nissan dan Honda mengenai kebolegunaan petrol gred RON 95 ke atas setiap kenderaan pengeluaran masing-masing dan maklumbalas yang diperolehi dari semua syarikat pengeluar terbabit menyatakan **bahawa penggunaan petrol RON 95 dan RON 97 tidak akan memberi sebarang kesan negatif kepada keupayaan prestasi enjin dan kos penyelenggaraan kerana semua model keluaran untuk pasaran Malaysia adalah berdasarkan spesifikasi petrol gred RON 91.**

3. **PENGUNAAN MINYAK RON 95**

- 3.1. Berdasarkan kepada perkara di para 2.3 di atas, Kerajaan telah membuat keputusan untuk mengarahkan semua kenderaan Kerajaan diwajibkan menggunakan petrol gred RON 95 [melainkan kenderaan berenjin diesel] bagi mengawal peningkatan perbelanjaan bahan mentah berkenaan.

4. **TANGGUNGJAWAB PEGAWAI PENGAWAL**

- 4.1. Adalah menjadi kewajipan Pegawai Pengawal/Ketua Jabatan memastikan bahawa Arahan di perenggan 3.1 adalah dipatuhi. Perbendaharaan Negeri adalah dibenarkan dan dalam masa ke masa akan membuat naziran (pemeriksaan) ke setiap Jabatan untuk menyemak baucer bayaran /kad inden minyak bagi memastikan Jabatan sentiasa mematuhi Arahan berkenaan.

5. **TANGGUNGJAWAB PEMANDU KENDERAAN KERAJAAN**

- 5.1. Kaedah mendapatkan bekalan minyak kenderaan adalah sebagaimana peraturan semasa dan setiap pemandu juga diingatkan untuk memastikan arahan di para 3.1 dapat dilaksanakan, memandangkan pemandu adalah individu yang dipertanggungjawab untuk mengisi petrol kenderaan Kerajaan.
- 5.2. Kegagalan berbuat demikian boleh menyebabkan pemandu dikenakan tindakan tatatertib atau surcaj oleh Kerajaan.

6. **TAFSIRAN**

- 6.1 Kenderaan Kerajaan adalah kenderaan yang didaftarkan dengan nama Kerajaan yang diperolehi dari kaedah pembelian, disewa atau dipinjam untuk kegunaan sebagai kereta rasmi dan kereta jabatan.
- 6.2. Pemandu adalah pemandu yang dilantik oleh Suruhanjaya Perkhidmatan Negeri secara tetap, sementara atau kontrak dan Pemandu yang dipinjam dari Agensi Kerajaan lain.

7. **PEMAKAIAN PEKELILING**

- 7.1. Pekeliling ini dipanjangkan kepada semua Pihak Berkuasa Berkanun Negeri dan Pihak Berkuasa Tempatan Negeri tertakluk kepada penerimaannya oleh Pihak Berkuasa masing-masing.

8. **HAL-HAL LAIN**

- 8.1. Pengecualian kepada arahan ini adalah tidak dibenarkan melainkan dengan kelulusan secara bertulis oleh Pegawai Kewangan Negeri.

9. **TARIKH KUATKUASA**

9.1. Pekeliling ini adalah berkuatkuasa pada 1 November 2011.



(DATO' HAJI MOHD FAUDZI BIN HAJI CHE MAMAT)
Pegawai Kewangan Negeri
Kelantan

Bertarikh: 12 Oktober 2011 bersamaan
14 Zulkaedah 1432H

s.k:

Yang Berhormat Dato' Setiausaha Kerajaan Negeri Kelantan

Yang Amat Berusaha Pengarah Audit Negeri Kelantan

Yang Berusaha Bendahari Negeri

e.d.:

Yang Berusaha Timbalan Pegawai Kewangan Negeri

Yang Berusaha Penolong Pegawai Kewangan Negeri (Khidmat Pengurusan)

Yang Berusaha Penolong Pegawai Kewangan Negeri(Hasil)

Yang Berusaha Penolong Pegawai Kewangan Negeri(Aset)

Yang Berusaha Penolong Bendahari Negeri

Yang Berusaha Pegawai Teknologi Maklumat

Yang Berusaha Ketua-Ketua Unit